

| | | |
|--|------------------------------------|----------|
| <i>Dependencia</i> SRB.- Negociado de Servicios Básicos, Mercados e Transportes 98.- ISAVA | | |
| <i>Documento</i> SRB10S1BV | <i>Expediente</i> SRB/1193/2016 | 236/2016 |



Asunto
Notificación de Resolución/Acuerdo. PROBA PREVIA A
OBTENCIÓN DO PERMISO MUNICIPAL DE CONDUCTOR

Destinatario
CONCELLO DE SANTIAGO DE COMPOSTELA
OFICINA DE ATENCIÓN AO CIDADAN
Via No Especificada

Poño no seu coñecemento que o CONCELLEIRO DELEGADO DE MEDIO AMBIENTE E CONVIVENCIA con data 14-11-2016, ditou entre outras a seguinte resolución:

"O artigo 22 da Lei 4/2013, do 30 de maio, de transporte público de persoas en vehículos de turismo de Galicia establece que os condutores ou condutoras deberán posuír o correspondente permiso de condución establecido na lexislación vixente e dispoñer da correspondente capacitación profesional que regulamentariamente se estableza.

No seu apartado "2" sinala que "as disposicións de desenvolvemento desta lei poderán establecer uns requisitos mínimos de capacitación profesional, que virán determinados pola acreditación de coñecementos relativos á normativa aplicable ao servizo de taxi, a itinerarios e, en xeral, sobre as necesidades para a adecuada atención ás persoas usuarias e correcta prestación do servizo, así como para atender persoas con algunha discapacidade física ou psíquica, limitacións sensoriais, mobilidade reducida e mulleres xestantes".

O actualmente derogado Regulamento do servizo de transporte urbano de automóviles de aluguer con conductor regulaba no seu artigo 23 e seguintes a expedición do Permiso Municipal de Conductor, que se condicionaba á superación dunha proba escrita na que se acreditara un coñecemento mínimo do termo municipal, rúas da Cidade, monumentos, emplacements de institucións públicas, núcleos de poboación, etc.

Á espera da regulación prevista no artigo 22.2) da Lei 4/2013, citada, e co obxecto de atender as actuais solicitudes de obtención do permiso municipal de conductor nas mesmas condicións que as que se viñan esixindo ata a derogación do regulamento do servizo, e en atribución das competencias delegadas pola Xunta de goberno da cidade de Santiago de Compostela na sesión do 17.06.2015 e en virtude das facultades que me confire o artigo 21 da Lei 7/85, do 2 de abril, reguladora das bases de réxime local, modificada pola Lei 57/2003, do 16 de decembro,

RESOLVO:

1. Establecer unha proba para a obtención do permiso municipal de conductor consistente na realización dun cuestionario por escrito no que se formularán oito preguntas relativas a ubicación de rúas, prazas e núcleos de poboación do termo municipal de Santiago de Compostela, emplacements de sedes da Administración Pública, monumentos, edificios de interese, etc; e catro itinerarios nos que se facilitará un punto de saída e un de chegada, debendo indicar o nome das rúas polas que se poden levar a cabo, polo percorrido máis curto e respecto dos sinais de tráfico.
2. A dita proba celebrarase o vindeiro **25 de xaneiro de 2017 ás 9:00 horas no Centro Sociocultural de Vite.**
3. Que a comisión seleccionadora da dita proba estea formada por: D. Xan Xesús Duro Fernández, Concelleiro delegado de medio ambiente e convivencia,, D. Luís Alberto López García, inspector técnico de servizos e D. Juan L. Pena Quintáns, xefe de negociado de servizos básicos, mercados e transportes .
4. Que o prazo para a presentación de solicitudes rematará o día **30 de decembro de 2016**
5. As solicitudes para tomar parte na proba dirixiranse ao Sr. Alcalde do Concello de Santiago de Compostela, e presentaranse no Rexistro Xeral do Concello ou en calquera dos lugares indicados na lei 39/2015 do 1 de

| | | |
|--|-----------------------------|----------|
| Dependencia SRB.- Negociado de Servicios Básicos, Mercados e Transportes 98.- ISAVA | | |
| Documento SRB10S1BV | Expediente SRB/1193/2016 | 236/2016 |

outubro do procedemento administrativo común das administracións públicas. Á solicitude deberase achegar a seguinte documentación:

- a. Carné de conducir expedido pola Xefatura de Tráfico, coa categoría esixida polo Código de Circulación para a modalidade de autotaxi.
- b. 2 fotografías tamaño carné

6.- A lista de admitidos e excluídos, publicarase na web do Concello (www.santiagodecompostela.gal).

Notifíquese esta Resolución aos interesados e servizos municipais correspondentes"

O que se lle comunica aos efectos da súa publicación na páxina web municipal.

Santiago de Compostela, 18 de novembro de 2016

VICESECRETARIO
(P.D. Decreto Alcaldía 10/01.12)
Asdo.. **Rasán Montañés Fernández**

